

Masyarakat Eropah semakin hayati -2 DEC 1987 seni silat

B. Harian (M)

Oleh SHAMSIAH SANIN

MENTERI Kebudayaan dan Pelancongan, Datuk Sabharuddin Chik, berkata masyarakat Eropah kini semakin menghayati seni silat yang dianggap dapat mengelak mereka bersikap besar diri.

Berucap melancarkan buku bertajuk "Silat Olahraga" susunan Anuar Wahab, guru Silat Seni Gayung di Kuala Lumpur semalam, beliau berkata ramal anggota masyarakat negara ini kurang mengambil berat mengenai kesenian pencak silat.

"Sebaliknya, mereka lebih gemar mempelajari seni mempertahankan diri dari luar negeri seperti Karate, Judo, Tinju dan Taekwondo daripada silat yang sebenarnya mempunyai rahsia pertahanan dan bela dirinya sendiri," katanya.

Di dalam hal ini, beliau berkata Persekutuan Silat Antarabangsa (Persilat) boleh memainkan fungsinya memperkembang dan mempopularkannya di peringkat antarabangsa, sama seperti seni mempertahankan diri yang lain.

Sementara itu, Ketua Pengarah Dewan Bahasa dan Pustaka, Datuk Haji Hassan Ahmad, dalam ucapan alu-aluannya pula, berkata beberapa faktor menyebabkan seni mempertahankan diri pencak silat kurang mendapat pendedahan di peringkat antarabangsa.

Menurut beliau, dalam dunia persilatan Melayu misalnya segala ilmu silat adalah dianggap rahsia dan tidak boleh ditunjukkan dan ia hanya diajarkan kepada orang-orang tertentu.

Kebelakangan ini, ilmu silat serta jampi serapah yang diajar akan disalahgunakan juga menjadi punca tok guru-tok guru silat takut untuk memindahkan ilmu yang mereka ada.

"Dewan Bahasa dan Pustaka dengan segala kemampuannya sedang berusaha menerbitkan beberapa buah buku mengenai kebudayaan Melayu untuk diterjemahkan ke bahasa-bahasa lain," katanya.